

AGENDRE MIGU FÖNA WAMAKAO YESU

MINGGU, 04 FEBRUARI 2024

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya ni'omasi'ö ba döi Yesu Keriso, no tarugi migu nifotöi migu föna wamakao Yesu. Töi migu ma'ökhö andre, ya'ia da'ö¹: Sexagesima, eluahanian "ngaluo si 60, föna wemaoso Yesu" . Ma'owai ami, ba döi Zo'aya ya'ita Yesu Keriso, Ya'ahowu.

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 3**

3. MASUNO' Ö YEHOWA

do = f 3/4

MM = 96 - 104

1. Ma suno ' Ö Yehowa, fa ' abölö-Mö masuno.

Khö-U manga lulu niha, oi ahölihöli dödö.

Lowalangi Yehowa, götögötö wa ' ara.

2. Sumange la' ohe khö-U, mala' ika awö niha.

Dozi ira manunö, lasunosuno Yehowa.

Lira lö mo' aetufa, götögötö wa' ara.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Fökhöda nilu'i-Nia ba no Ihare'ö khö-Nia zafökhö khöda; ba ba dödöda, ba ni'otu'ö Ia, nibözibözi Lowalangi ba nifakao. Ba no lalöda sa mbörö, wa tefesokho Ia, ba horöda mbörö, wa terasa Ia. Ya'ia zolu'i huku, ena'ö sohahau tödö ita, ba moroi ba zokho-Nia, wa no döhö wökhöda². HALELUYA.....

SA : **Manunö** : BZ. : 452
Haleluya..... Haleluya..... Haleluya.....

SA : Mangandrö ita :
He Yehowa Lowalangi, Ama sahakhö tödö ba sebua fa'omasi. Lö Ötehe tekiko ndra'aga ba horöma. No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma; ena'ö falukha ndra'aga wangatulö ba fa'auri si lö aetu. Ya Eheha-U Ni'amoni'ö zangabölö'ö ya'aga, ena'ö si tedou ba saro ba lala wamati, ba lö faröi ndra'aga irugi gamozua götö danö andre. Yaduhu.
(Mudadao zato)

3. MANUNÖ moroi ba Mbuku Zinunö Numero 230

230. U' ILA WA NO FA' OMASI 1

¹ Mu'obini daroma li Lowalangi molo'ö töi migu ba perikopen

² Taroma li bö'önia tola mufaigi ba nga'örö nifaogö si sara faosatö si-IV.

do = f 3/4

MM = 96 - 104

1. U ' ila wa no fa' omasi, zi falukhado khö-U, Yesu.
Heŵa' ae tenga sinangea, na dali gamuatagu.
Me no aefado ba wönu, andrö mangaluludo khö-U,
moroï sibai ba dödügu.
2. Ya' odo niha si lö sökhi, ba no omasi' Ö Yesu.
Horögu fefu Öbè aefa, Öbohounido Eheha-U.
Börö wemöna-Mö, Yesu, zanga' aro' ö tödügu,
ba wogamö saŵatögu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroï ba zura **II Moze/Keluaran 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödü khögu,
6. ba si hakhösi tödü sangomasi'ö ya'o ba solo'ö oroisagu; irugi hönö nga'ötö.
7. Böi töttöi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödü luo wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luo wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he ööröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

do = g, 4/4

MM = 96 - 104

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

- SA** : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. Ma ondrasi Ndra'ugö ba nahia ni'amoni'ö Ya'ugö si fahöna fa'ahakhö dödö andrö. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, irege sohahau tödö ndra'aga wanohugö fekolima ba zi so fönama ba wamalua somasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu. Yaduhu.

- SATO** : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu
U'ombakha'ö ngawalö horögu, mo lala dödö.

- SA** : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrongo daroma Li Lowalangi, tehalö moroi ba zura
Mareko/Markus 1:29-39

29. Ba ladölö ira ba nomo ndra Simoni Andrea, la'otarai zekola, fao ndra Yakobo Yohane.
30. Ba no so tou ba zalo matua Zimoni, ira alawe, akhömö, fa'aukhu, ba la'anema'ö la'ombakha'ö khönia.
31. Ba möi ia khönia, ira'u danga, ifazawa, ba döhö wa'aukhu, ba möi ia ngonionira.
32. Ba me bongi, me aekhu luo, ba la'ohe khönia fefu zofökhö, awö zobekhu.
33. Ba samba banua manö ira, oi owulo baolayama.
34. Ba ato nifadöhönia fökhö, oya ngawalö wökhö, ba oya ifofanö bekhu. Ba lö itehe ba mbekhu andrö muhede ira, me no la'ila, ha niha ia.
35. Ba mahemolu ö, me lö moluo na, ba maoso ia, möi ia baero, isawa zi lö nihaniha, mangandrö ia ba da'ö.
36. Ba la'o'ö ia Simoni ba awönia, ba lasöndra ia,
37. ba lamane khönia: Oi dozi la'alui ndra'ugö.
38. Ba imane khöra: Datasawa misa mbanua sahatö, ena'ö mangombakha ndra'o ba da'ö göi; da'ö sa danigu we'amöi.
39. Ba möi ia mangombakha ba zekola khöra, ba danö Galilaia ma'asagörö, ba ifofanö mbekhu.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata si sambua ni'ofulu, nidönia'ö Pdt. Pengkhotbah.

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu. Ba si föföna ua da tafondrondrongo Li Lowalangi me imane:
 ❖ Ba da'ö niwa'ögu: Na so zangatalisi tanömmö, ba lö oya'oya ibasi, ba na so zi lö alimagö tanömmö, ba oya göi ibasi dania. Ba balazi döddö zamösana; böi abu döddö, ba tenga niforege; si no aoha gölö fame'e, da'ö sa zomasi Lowalangi. (II Kor.9:6-7).

Tafa'ema wasömbata khö Lowalangi, manunö ita moroi ba Mbuku Zinunö
Numero 260

260. NO OYA NITEMADA 1

do = es 4/4

MM = 88 - 96

1. No oya nitemada buala Zo' aya.
Sinangea ta' andrö saohagölö-Nia.
2. Botoda, ba nosoda talulu khö-Nia.
He lala halöwöda, ya sumange-Nia.
3. A' oi Ifahowu' ö halöwö dangada.
Ta' andrö saohagölö, zi no Ibè khöda.
4. Andrö mo' ömö ita wamè fasömbata.
Tabè sumange-Nia, moroi ba döddöda.
5. Ya' ugö gubaloma ba lala döröwa
Ba zomasi Ndra' ugö fatörö ndra' aga.
6. Ma' andrö khö-U So' aya rorogö ndra' aga
Sagötö fekolima ba fahowu' öga.

SA : *Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....
 Manunö ita moroi ba Mbuku Zinunö numero 261

261. YA'E ZUMANGE 3

do = d 4/4

MM = 62 – 68

Ira'alawe

1. Ya' e zu-ma-nge fa-sömbata, ma' o-he sumange Yehowa.

Iramatua

- Reff* :Ma'andrö khö-U fa-ho-wu'ö zu-mange ni' o- hema khö-Mö
2. Ya'e zumange fasömbata mabe'e soroi ba döddöma.
Reff : Ma'andrö khö-U
 3. Ya'e zumange fasömbata buala si'otarai Nama.
Reff : Ma'andrö khö-U
 4. Ya'e zumange fasömbata, boto, noso, ba fa'aurima
Reff : Ma'andrö khö-U
 5. Ya'e zumange fasömbata, lö irugi zomasi döddö-U.
Reff : Ma'andrö khö-U
 6. Ya'e zumange fasömbata, ma'aghasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö.fasamösa zangowuloi.fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
a. Koor Jemaat
b. Kom. Bapak
c. Koremda
d. Sektor 2
e.

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUA SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
a. Fombaso taroma Li Lowalangi *Yesaya 40:21-31 (Tuho: Yehowa andrö si lö Mo'aetufa / Tuhan adalah yang Kekal)*
b. Fanuriaigö
c. Nitanö ba dödö. *Yesaya 40:28b (Lowalangi si lö aetu Yehowa andrö, somböi fondrege danö andrö. / Tuhan ialah Allah kekal yang menciptakan bumi dari ujung ke ujung)*
d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU⁴

do = es 4/4

MM = 96 - 104

- No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.

- ❖ Ya' o mamati Khö Yesu Keriso, So' aya ya' ita, Ono Lowalangi si ha samösa, nitema nina-Nia Maria khö Geheha Ni' amoni' ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate, ba lako' o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa' abölö. I' otarai da' ö mangawuli Ia dania ba wanguhuku niha sauri, awö zi no mate.
- ❖ Ya' o mamati khö Geheha Ni' amoni' ö, ba ufati ha sambua mbanua ni' amoni' ö, fefu niha Keriso, fa' awösa niha ni' amoni' ö, ba fangefa horö, ba femaoso mboto zimate, ba fa' auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 292 ayati 1-2**

292. U' OTAMBALI' Ö DÖDÖ 1

do = c, 3/4

MM = 76 - 84

1. U' otambali' ö dödö, ba wolo' ö Keriso.
Kubalo sahakhö tödö, ba sangorifi ya' o.
U' ogorofi ae horö, sanaisi- naisi ya' o.
He Yesu hakhösi tödö, tolo, böi böhölido.
2. U' otambali' ö dödö, wolo' ö Sangefa' ö.
Khö-Nia ube' e dödö, Ya' ia zamatörö.
He na isaisi ndra' odo, tödögu si tohöna.
Khö-U, So' aya, mangandrödo, timba fefu wangala.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo' aya ya' aga Yesu Keriso, Si no mamahaö ya' aga ba wangandrö mamane :

SH + SATO : He Ama khöma siso ba zorugo, ya te' amoni' ö döi-U. Ya tobali banua-U fefu niha, Ya itörö zomasi ndra' ugö, hulö ba zorugo, ya si manö göi ba gulidanö. Öma sirugi ma' ökhö be' e khöma ma' ökhö andre. Ba efa' ö khöma horöma, si mane fangefa' öma sala ba zi so sala khöma. Böi ohe ndra' aga ba wanandraigö, efa' öga ba zi lö sökhi. Me ya' ugö zamatörö banua-U, ba sokhö fa' abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi' angawuli si fao fa' ohahau dödö, ya tobali ami sura Keriso, samaduhu' ö Ya' Ia ba Lala wa' aurimi sero ma' ökhö, ba mitema (tatema) howuhowu Lowalangi :
❖ Ya mufahowu' ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu' ebua' ö dödö-Nia khömi/khöda
❖ Ya mufalemba hörö-Nia khömi/khöda, Ya mube' e wa ohahau dödö khömi/khöda fefu. Yaduhu

SATO : Manunö BZ. Numero 292 ayati 3

292. U' OTAMBALI' Ö DÖDÖ 1

do = c, 3/4

MM = 76 - 84

3. U' otambali' ö dödö, wolo' ö Sangorifi.
He oya gabula dödö, fanandraigö wamati.
Ba utöngöni Zo' aya, sangomasi' ö ya' o.
Si no mate salahigu, ba wangorifi ya' o.

SH : YA' AHOWU

SATO : YA' AHOWU